

C40  
4514




10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

C40-4514

了翁上座請大慈及育  
家書置武州靈雲山  
我佛之院府中永  
為學者不敢許出院內  
當山二世鐵牛抵羅漢



B 64853



淨土資糧全集卷之五

古杭雲棲寺蓮池禪師株宏校正

樵李桐邑淨業弟子莊廣還輯

淨土日課章

○六時對越篇 事冗者二時三時亦得

南無蓮池海會佛菩薩 二稱三拜

佛說阿彌陀經

如是我聞一時佛在舍衛國祇樹給孤獨園與



清法寶經全傳卷五  
大比丘僧千二百五十人俱。皆是大阿羅漢。衆  
所知識。長老舍利弗。摩訶目犍連。摩訶迦葉。摩  
訶迦旃延。摩訶俱絺羅。離婆多。周利槃陀伽。難  
陀。阿難陀。羅睺羅。憍梵波提。賓頭羅。頗羅墮。迦  
留陀夷。摩訶劫賓那。薄拘羅。阿菟樓駄。如是等  
諸大弟子。并諸菩薩摩訶薩。摩訶文殊師利法王子。阿  
逸多菩薩。乾陀訶提菩薩。常精進菩薩。與如是  
等諸大菩薩。及釋提桓因等。無量諸天大衆俱。

爾時佛告長老舍利弗。從是西方過十萬億佛  
土。有世界名曰極樂。其土有佛。號阿彌陀。今現  
在說法。舍利弗。彼土何故名為極樂。其國衆生  
無有衆苦。但受諸樂。故名極樂。

又舍利弗。極樂國土。七重欄楯。七重羅網。七重  
行樹。皆是四寶周匝圍繞。是故彼國名為極樂。  
又舍利弗。極樂國土。有七寶池。八功德水。充滿  
其中。池底純以金沙布地。四邊階道。金銀琉璃。

海共發精舍傳卷五  
琉璃合成。上有樓閣。亦以金銀瑠璃。玻璃。磲磔。赤珠。瑪瑙。而嚴飾之。池中蓮花。大如車輪。青色。青光。黃色。黃光。赤色。赤光。白色。白光。微妙香潔。舍利弗。極樂國土。成就如是功德莊嚴。

又舍利弗。彼佛國土。常作天樂。黃金為地。晝夜六時。雨天曼陀羅華。其土衆生。常以青旦。各以衣祴。盛衆妙華。供養他方十萬億佛。即以食時。還到本國。飯食經行。舍利弗。極樂

國土成就如是功德莊嚴

復次舍利弗。彼國常有種種奇妙禱色之鳥。白鶴。孔雀。鸚鵡。舍利。迦陵頻伽。共命之鳥。是諸衆鳥。晝夜六時。出和雅音。其音演暢。五根五力。七菩提分。八聖道分。如是等法。其土衆生。聞是音已。皆悉念佛念法念僧。舍利弗。汝勿謂此鳥實是罪報所生。所以者何。彼佛國土。無三惡道。舍利弗。其佛國土。尚無惡道之名。何況有實。是諸衆鳥。皆是阿彌陀佛。欲令法音宣流。變化所作。



舍利弗。彼佛國土。微風吹動。諸寶行樹。及寶羅網。出微妙音。譬如百千種樂。同時俱作。聞是音者。自然皆生念佛念法念僧之心。舍利弗。其佛國土。成就如是功德莊嚴。

舍利弗。於汝意云何。彼佛何故號阿彌陀。舍利弗。彼佛光明無量。照十方國。無所障礙。是故號為阿彌陀。

又舍利弗。彼佛壽命。及其人民。無量無邊。阿僧

祇劫。故名阿彌陀。舍利弗。阿彌陀佛成佛已來。於今十劫。

又舍利弗。彼佛有無量無邊聲聞弟子。皆阿羅漢。非是算數之所能知。諸菩薩衆亦復如是。舍利弗。彼佛國土。成就如是功德莊嚴。

又舍利弗。極樂國土。衆生生者。皆是阿鞞跋致。其中多有一生補處。其數甚多。非是算數所能知之。但可以無量無邊阿僧祇說。



舍利弗。衆生聞者。應當發願。願生彼國。所以者何。得與如是諸上善人俱會一處。舍利弗。不可以少善根福德。因緣得生彼國。舍利弗。若有善男子。善女人。聞說阿彌陀佛。執持名號。若一日。若二日。若三日。若四日。若五日。若六日。若七日。一心不亂。其人臨命終時。阿彌陀佛與諸聖衆。現在其前。是人終時。心不顛倒。即得往生阿彌陀佛極樂國土。舍利弗。我見是利。故說此言。若

有衆生聞是說者。應當發願。願生彼國土。

舍利弗。如我今者。讚歎阿彌陀佛。不可思議功德之利。東方亦有阿閼鞞佛。須彌相佛。大須彌佛。須彌光佛。妙音佛。如是等恒河沙數諸佛。各於其國出廣長舌相。徧覆三千大千世界。說誠實言。汝等衆生。當信是稱讚不可思議功德。一切諸佛所護念經。

舍利弗。南方世界。有日月燈佛。名聞光佛。大談

肩佛。須彌燈佛。無量精進佛。如是等恒河沙數諸佛。各於其國出廣長舌相。徧覆三千大千世界。說誠實言。汝等衆生。當信是稱讚不可思議功德。一切諸佛所護念經。

舍利弗。西方世界。有無量壽佛。無量相佛。無量幢佛。大光佛。大明佛。寶相佛。淨光佛。如是等恒河沙數諸佛。各於其國出廣長舌相。徧覆三千大千世界。說誠實言。汝等衆生。當信是稱讚不

可思議功德。一切諸佛所護念經。

舍利弗。北方世界。有嚴肩佛。最勝音佛。難沮佛。日生佛。網明佛。如是等恒河沙數諸佛。各於其國出廣長舌相。徧覆三千大千世界。說誠實言。汝等衆生。當信是稱讚不可思議功德。一切諸佛所護念經。

舍利弗。下方世界。有師子佛。名聞佛。名光佛。達磨佛。法幢佛。持法佛。如是等恒河沙數諸佛。各



於其國出廣長舌相。徧覆三千大千世界。說誠實言。汝等衆生。當信是稱讚不可思議功德。一切諸佛所護念經。

舍利弗。上方世界有梵音佛。宿王佛。香上佛。香光佛。大酸肩佛。雜色寶華嚴身佛。娑羅樹王佛。寶華德佛。見一切義佛。如須彌山佛。如是等恒河沙數諸佛。各於其國出廣長舌相。徧覆三千大千世界。說誠實言。汝等衆生。當信是稱讚不

可思議功德。一切諸佛所護念經。

舍利弗。於汝意云何。何故名為一切諸佛所護念經。舍利弗。若有善男子。善女人。聞是經受持者。及聞諸佛名者。是諸善男子。善女人。皆為一切諸佛之所護念。皆得不退轉於阿耨多羅三藐三菩提。是故舍利弗。汝等皆當信受我語。及諸佛所說。

舍利弗。若有人已發願。今發願。當發願。欲生阿



淨土寶經卷第五  
彌陀佛國者。是諸人等。皆得不退轉於阿耨多  
羅三藐三菩提。於彼國土。若已生。若今生。若當  
生。是故舍利弗。諸善男子。善女人。若有信者。應  
當發願生彼國土。

舍利弗。如我今者稱讚諸佛不可思議功德。彼  
諸佛等。亦稱讚我不可思議功德。而你是言。釋  
迦牟尼佛。能為甚難希有之事。能於娑婆國土  
五濁惡世。劫濁。見濁。煩惱濁。衆生濁。命濁中。得

阿耨多羅三藐三菩提。為諸衆生說是一切世  
間難信之法。舍利弗。當知我於五濁惡世。行此  
難事。得阿耨多羅三藐三菩提。為一切世間說  
此難信之法。是為甚難。佛說此經已。舍利弗及  
諸比丘。一切世間天人阿修羅等。聞佛所說。歡  
喜信受。作禮而去。

佛說阿彌陀經

考證對越

詩青廟之章曰。對越在天。駿奔  
走在廟。今佛前禮誦。故以對

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

越名篇。

佛說阿彌陀經

蓮師疏云。此經本名稱讚不可思議

功德。一切諸佛所護念。經。今名是什師改定。自有二義。一者佛稱無盡義。故。二者彼

佛人所聞。故。是我聞。妙宗鈔云。言是事如是

我親承於佛也。○太論經云。佛將涅槃。阿

難問佛。一切經首。當安何語。佛答曰。如是

我聞。一時佛在某處某國土。與其大眾。非

獨我法如是。三世諸佛經初亦然。

佛亦名薄伽梵。具吉祥。六尊貴。舊婆伽

梵。說也。○妙宗鈔云。佛者。一切智異外道

慈悲異二乘。平等異小菩薩。究竟覺異諸

因位。四種分別。○蓮師疏云。佛者梵語。此

云覺者。倫三覺故。自覺異凡夫。覺他異二

乘。覺圓滿。異菩薩。三舍衛國。梵語亦云室羅

王所居。祇樹。祇陀太子所施。故云祇樹。是

之國。給孤獨園。舍衛國有一長者。名曰須臾。長

者。嘗側金布地。與太子買。與大比丘僧。比

此園。建精舍。請佛說法。鼻此云乞士。謂上乞法於諸佛。以明已之

真性。下乞食於世人。以為世人。多種福德

又云。舍三義。乞士。破惡怖魔。○蓮師鈔云

乞食資身。乞法資心。破惡者。出家離欲。超

向無生。魔失覺與。生怖畏故。破惡者。能破

煩惱。九十八使。悉皆斷絕故。○僧者梵語

具云僧伽。此千二百五十人。頭云三迦葉

云眾和合。千二百五十人。弟子共一千。



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

目捷連。舍利。二人弟子。共二百五十人。合成故。○此眾並先事外道。勤苦累劫。一無所得。纔遇佛。即得上果。大阿羅漢。含三義。故感恩德。為常隨眾。破惡果也。三無生。不受後有。怖魔果也。為人天福田。乞士果也。二殺賊。斷煩惱。盡長老。疏云。長老者。德長臘老。又德臘且一。亦通稱長老。鈔云。臘者。出家一歲為臘。舍利弗。疏云。梵語舍利。此云鶯鶯。梵語。一。其母名舍利。以其眼黑白分明。轉動。源利如之。故連母為名。智慧第一。目捷連。鈔云。目捷連。姓也。名拘律陀。拘律陀者。樹名。禱樹神而生。因以為名。神通第一。迦葉。疏云。此云大龜氏。鈔云。先世學道。有靈龜負圖而出。因以為姓。名畢鉢羅。

亦樹也。頭陀第一。迦旃延。疏云。迦旃延。姓也。南天釋。論議第一。○什竺婆羅門族也。此云文曰。善解契經者也。拘絺羅。疏云。此云大膝。弗舅氏。答離婆多。疏云。此云星宿無倒亂。問第一。乞子而生。因以為名。無倒亂者。心正故不顛倒。心定故不散亂。周利槃陀。伽蹉云。此云繼道。○其女省親。生於路傍。得資性魯鈍。唯誦半偈。久之忽悟。垢淨感除。羅漢。難陀。此云善歡喜。阿難陀。此云慶喜。子。佛之堂弟也。佛成道日生。與羅睺羅。此云覆障。密行第一。鈔云。覆障者。本阿修羅名。能以手障日月。故名覆障。障有二義。



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

海三寶相建轉。合刊。二。見諸弟子。共二百五十人。合

相建轉。合刊。二。見諸弟子。共二百五十人。合

九

一云佛為所障。不即出家。一云六年在胎  
 已自破障也。積行而人不知。惟佛能知。故  
 曰密行。**憍梵波提**。養第一。○宿生為牛。食  
 已轉。餘報未盡。故受此名。常居  
 天上。諸天敬奉。故云受天供第一。**賓頭羅**  
**頗羅墮**。疏云。上三字。姓也。鈔云。不動。名也。下三  
 八。稱名在先。**迦留陀夷**。疏云。此云黑光。鈔  
 別其餘也。**迦留陀夷**。疏云。此云黑光。鈔  
 常。劫**賓那**。疏云。此云房宿。知星宿第一。鈔  
 故。劫**賓那**。疏云。此云房宿。知星宿第一。鈔  
**薄拘羅**。疏云。此云善容。壽命第一。鈔云。顏  
 由昔持不。貌端正。故曰善容。壽命百有六十。  
 殺戒也。**阿菟樓駄**。飯施辟支佛。九十九。

劫資用充足。所求如**菩薩摩訶薩**。菩薩者  
 意。遂得天眼第一。**菩薩摩訶薩**。菩薩者  
 提。薩埵。此云覺有情。同佛所證。曰覺。無明  
 未盡。曰有情。摩訶薩。此云大道心眾生。菩  
 薩摩訶薩。猶云**文殊師利**。此云妙德。以  
 薩中大菩薩也。**佛所證故**。鈔云。亦云曼  
 殊室利。三德。信行智也。**法王子**。疏云。入法  
 法王子。又云。以法。阿逸多。勝。即彌勒佛也。  
 化人。故名法王子。阿逸多。勝。即彌勒佛也。  
 鈔云。慈氏。姓也。**乾陀訶提**。疏云。此云自利精  
 阿逸多。名也。**進利他**。常**精進菩薩**。疏云。此二菩薩。名釋  
 情進也。常**精進菩薩**。疏云。此二菩薩。名釋  
**提桓因**。疏云。此云能天。無量諸天大衆。欲色  
 主。切利天王也。無量諸天大衆。欲色

淨土寶量合卷五

日果章

上

四十五

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

諸梵天王。護世四王等也。極樂。梵語須摩

兼四眾八部。故言大衆俱。提。此云安

樂。亦名安養。亦名清泰。亦名妙意。名雖小

殊。皆極樂義。以五濁輕重而分。淨穢娑婆

五濁重。故兼四惡趣。輪迴不息。安養五濁

輕。惟有人天。皆得不退。故名極樂。四土也

中。此是同居士。盡理言之。阿彌陀。梵語也

唯究竟寂光。是真極樂。此云無

量。阿。無也。彌。陀。量也。衆苦諸樂。諸云。衆苦

無量。尤佛。無量壽佛。衆苦諸樂。者。諸經論

開有三苦。八苦。一十苦。又約二種生。死則

變易亦苦。况其餘所陳。二種清淨。七重欄

莊嚴。亦以樂事非。故曰諸樂也。七重欄

重相。間。其數有七也。鈔云。橫曰欄。直曰

楯。前四也。八功德水。疏云。一澄淨

美。四輕軟。五潤澤。六安和。七除饑渴。八

長養諸根。具八種功德。利益衆生也。上

有樓閣。觀經云。衆寶樓。上。有五百

樓閣。皆七寶莊嚴。自然化成者也。又大

云。是諸樓閣。有隨意高大。浮於空中。若雲

氣者。有不能隨意高大。止在地。池中蓮華

上者。以求道時。德有厚薄。所致。池中蓮華

青色者。名優鉢摩華。黃色者。名拘勿頭華。

赤色者。名波羅摩華。白色者。名芬陀利華。

觀經云。一一池中有六十億七寶蓮華。則

非止四色。一一蓮華。團圓正等。十二由旬。

非止如車輪也。大本云。晝夜六時。土日月



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

法苑珠林卷第...

法苑珠林卷第...

法苑珠林卷第...

循環。透須彌而分晝夜。彼國既無須彌。又無日月。常明不昏。晝夜無辨。唯以花開鳥鳴而為晝。花合鳥棲而為夜也。

**曼陀羅華** 疏云。此天華名也。此云適意。亦名白舍利。亦云鶯鷲。迦陵頻伽。出雪山。在華。舍利。亦云鶯鷲。迦陵頻伽。出雪山。在

已起。其音。共命。迦婁唎。云優波迦婁唎。是也。今刻繪作和雅音。心什雅則聽者躁

人身二首。恐非。和雅音。心什雅則聽者欲

聲背於雅。鳥兼二美。五根。疏云。一信。二進

能生聖道。五力。疏云。即前五根。增長具

故名。為根。五力。疏云。即前五根。增長具

**菩提分** 疏云。即七覺支。一擇法。二精進。二喜。四除。五捨。六定。七念。七念者。修

出世道時。善能覺了。常使定慧均平。若心沉沒。當念用擇進喜三支。察而起之。若心浮動。當念用除捨定三支。攝而伏之。念念調和。使中適故。**八聖道分** 疏云。亦名八正道。謂一正見。二正思惟。三正語。四正業。五正命。六正精進。七正念。八正定。

**光明無量** 疏云。光明有二。一者常光。二者身光。復有二義。一者常光。二者放光。又光所因。復有二義。一是萬德所成。一是本願所致。鈔云。十方諸佛。頂中光明。有照一照。二照。如星漸遠。有照二照。萬里者。有照一世界。二世界。如是漸遠。有照二百萬世界者。唯阿彌陀佛。光明照十方世界。無有窮盡。故號無量光佛。疏云。大本及觀經題。皆止云。無量壽。不言光者。何義。蓋以金光全體。不相離故。言壽。則光在其

蓋以金光全體。不相離故。言壽。則光在其



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨土宗持名集卷五

日誦

十一

四七

中成佛十劫鈔云。今依唐譯云。十大劫亦  
 矣。成佛未久。云何曠劫善薩。是所教化。佛言  
 我實成佛以來。無量無邊劫。則彌陀成佛  
 其可。阿鞞跋致此云不退轉。又云阿唯越  
 量乎。阿鞞跋致致。法華經云。是諸菩薩。皆  
 不退法輪。轉一生補處疏云。補處者。止此  
 等覺菩薩也。鈔云。止此一生者。此土修行  
 捨身受身。千生萬生。未有窮已。乃至證三  
 果者。猶尚有生。阿羅漢地方。斷後有不得成  
 佛。今此唯餘一生。次即補佛。前如護明。後  
 如慈。善根福德疏云。欲生彼國。須多善多  
 福中之福。正所謂發菩提心。而為生彼國  
 之大因緣也。問。以持名為多善根福德。此

經之外。別有證據否。答。歷歷可證。善根者  
 如大悲經。大莊嚴經論。華嚴第十四回向。  
 皆以稱名為善根。而今經持名。正回向無  
 上菩提之善根也。以阿彌陀佛。即無上菩  
 提故。是則善中之善。名多善也。證福德者  
 如大品般若經。稱揚諸佛功德。增一阿  
 含經。及智論。皆以持名為福德之明證也。  
 亦有二義。一者彌陀乃萬德名號。一名纒  
 譽。萬德齊圓。不期於福。福已備故。二者以  
 持念力。自然諸惡不作。眾善奉行。以之終  
 福。福易集。故是則福中之福。名多福也。又  
 引寶積十九經。雙顯持名為多善多福之  
 明證。諸經皆以文長不述。一心不亂疏云。  
 當於彌陀經疏鈔考之。一心不亂一心  
 不亂。言執持之極也。是為一經中之要旨  
 詳後念佛持法中考證。○疏云。一心不亂

淨土宗持名集卷五

日果章

五

四七

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

法苑珠林卷之

法苑珠林卷之

法苑珠林卷之

蓋上有加二十一字今所不用以文義不安  
 號一有執持名號四字不可更著專持名  
 復不成文義故我見是利多劫升沉不能  
 解脫今以稱名往生遂登不退較其利害  
 明若指掌利即諸樂害即衆苦故當欣厭  
 阿閼鞞佛法身不動故須彌相佛此云  
 妙高佛相如之妙則三大須彌佛佛德高  
 德圓馳高則迥出因位佛光廣照猶如須  
 彌起過須彌光佛如須彌瑛蔽諸山妙音  
 佛說法稱機故日月燈佛佛三智名  
 聞光佛聞如光遠照大藏肩佛二智藏喻

照耀鈔云二智者權須彌燈佛疏云須彌  
 智照事實智照理  
 天下佛光照無量精進佛自利利人無量  
 亦如是故壽佛靈芝云同名甚多決非法藏所成之  
 壽佛彌陀也以是本佛不應自讚故慈恩  
 云設若彌陀自讚於理何妨謂稱讚成思  
 讚此法門令衆生深信非自伐也無量相  
 佛無盡故無量幢佛疏云功德高顯踰  
 名無量佛相好殊特淨光佛淨表法身  
 量也如寶可貴最勝音佛梵音深妙難  
 談肩佛雙照真俗最勝音佛起勝一切難  
 沮佛佛德堅密日生佛如日初生網明佛

第二卷

目果

五

目果



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

推

師

名

智明如網。師子佛如師子王。推伏羣獸。名聞佛名稱

徧覆十界。師子佛推伏羣獸。名聞佛名稱

無量名光佛名如日光。達磨佛疏云。此云

世界。名光佛名如日光。達磨佛疏云。此云

者執持義。以法執持已德。成已法身。以法

法執持他身。令諸衆生皆證法身故。法

幢佛法相如幢。持法佛疏云。有二義。一者

無善持中道妙法。二者執守名持。持

此妙法。疏通三世。使不斷絕。

佛疏云。佛音清。宿王佛如月為宿王。香上

佛疏云。佛聖中聖。香光佛光如斷智二

德故。斷德者。香能辟惡。有滅穢

義。智德者。光能破暗。有智慧義。大談肩佛

大照發光。雜色寶華嚴身佛善行因華。如

雙照二邊。雜色寶華嚴身佛善行因華。如

身。娑羅樹王佛娑羅。此云堅固。喻寶華德

佛四德如寶。見一切義佛洞達諸法如須

彌山佛如妙高山。恒河沙數諸佛恒河。亦

河。在中。天竺無熱池側。其沙

至細。與水同流。喻佛之多也。廣長舌

者。極言舌相之廣長也。○表無虛妄。無量

劫未。口離四過。三千大千世界俱含須云。

月。須彌盧。於梵世。各一千。名一小千界。此

小千十倍。名為中千。此中千千倍。名為大



千。皆同一。應。壞。為。萬。億。說誠實言淨土或

四天下。總為一佛土。彌陀經。預知末法

起。見在世時。為弟子說。彌陀。預知末法。以

眾。少。能。信。向。故。引。六。方。佛。出。廣。長。舌。以

破。其。疑。也。不。可。思。議。思。想。心。不。能。及。為。不

可。議。護。念。護。為。覆。護。不。使。魔。燒。稱讚諸佛

釋。佛。體。同。是。故。稱讚彌陀。即是稱讚諸佛。以

亦稱讚我彌陀亦同諸佛五濁楞嚴經云。譬如清水。

枝。之。沙。土。土。失。流。礙。水。已。清。潔。汨。然。渾。濁。

汝。濁。五。重。亦。復。如。是。畧。解。云。人。壽。二。萬

歲。時。即。入。劫。濁。四。濁。增。劇。聚。在。此。時。瞋。恚

增。劇。刀。兵。起。貪。欲。增。劇。饑。饉。起。愚。暗。增。劇

疾。疫。起。三。災。起。故。煩。惱。倍。隆。諸。見。轉。熾。眾

濁。交。湊。見。濁。者。身。見。遠。見。耶。見。見。取。成。取

五。利。使。乃。至。六。十。二。見。等。也。煩。惱。濁。者。是。也。

真。癡。慢。疑。五。鈍。使。乃。至。八。百。煩。惱。濁。者。是。也。

眾。生。濁。者。覺。五。陰。見。慢。果。報。立。此。假。名。命

濁。者。利。那。生。滅。催。年。促。壽。命。也。宗。鏡。錄

曰。居。此。濁。亂。之。時。遮。障。增。劇。境。飄。飄。識。燬。燒

盡。善。根。業。動。心。風。吹。殘。白。法。着。頓。隨。迷。之

鬼。趣。墮。疑。羅。利。之。網。中。為。貪。愛。王。之。拘。留

被。魔。怨。王。之。驅。役。孰。能。頓。悟。效。此。國。修

天人阿修羅等

畧。解。云。別。舉。三。善。道。者。多

欲。色。等。天。阿。修。羅。此。云。非。天。富。樂。同。天。而

多。誦。誦。無。天。行。故。等。者。等。於。八。部。鬼。神。見

力。鬼。註。難信之法世間之所難信。佛以

惡世得道復於惡世說此法以度衆生。又難中難也。難信有十。詳見鈔中。

還謹按此考證勢難博採。畧舉其要耳。欲悉其義當於彌陀經疏鈔考之。

拔一切業障根本得生淨土陀羅尼。

南無阿彌多婆夜一哆他伽哆夜二哆地夜他

三阿彌利都婆毗四阿彌利哆五悉耽婆毗六

阿彌利哆七毗伽蘭帝八阿彌利哆九毗伽蘭

哆十伽彌膩十一伽伽那十二枳哆伽利十三莎婆訶

十四

**考證往生呪**

龍舒淨土文曰。誦此呪者。阿彌陀佛常住其頂。不令冤家

為害。現世安穩。命終任意往生。或者疑云。無量衆生念此真言。佛豈能一一徧位其

頂乎。曰。亦自然耳。譬如天上。一陀羅尼。此

日。普現一切水中。豈不自然哉。總持。謂持善不失。持惡不生。○成佛心要云。自

古諸師。皆說陀羅尼。因位聖賢。不能曉解。但信而持之。滅障成德。又云。陀羅尼。是如

未秘密心。即豈可以凡夫妄情壽量。不須強釋。惟宜諦翼護。又云。柰麻。即南無也。上

而信之耳。命。或翻南無阿彌多婆夜。淨土指歸云。此

哆他伽哆夜

此云如未

哆地夜多

此云即說呪以下方是

密語。○哆字與帶字同音。方得其正。地字讀作逮字。

○畧解云。呪是梵語。中

國之人持誦。不經師授。訛謬實多。此呪載

卷字函書者。節句差誤。後人沿襲。遂失其

正。龍舒淨上文。樂印文類等。不原其所以

執之為是。而反以正為誤。謬之甚矣。今依

正本。刊印行矣。○蓮師亦以畧解句讀為

是。疏云。諸本句讀稍異。今依古本。經呪相

聯。正顯密圓通義。無持則雙美。單舉

亦交攝不遺。故曰圓通。若專持佛名號。九

勝持呪。詳見源鈔。

讚佛偈

阿彌陀佛真金色

相好端嚴無等倫

白毫宛轉五須彌

紺目澄清四大海

光中化佛無數億

化菩薩衆亦無邊

四十八願度衆生

九品咸令登彼岸

南無西方極樂世界大慈大悲阿彌陀佛

南無阿彌陀佛 五百聲或三百聲

南無觀世音菩薩 十聲

南無大勢至菩薩 十聲



南無清淨大海衆菩薩 十聲

考證

淨土指歸曰業報差別經曰高聲念佛誦經有十種功德一能排睡魔二天魔驚怖三聲偏十方四三塗息苦五外聲不入六令心不散七勇猛精進八諸佛歡喜九三昧現前十往生淨土又大集十藏經云小念見小佛大念見大佛釋云大念者大聲念佛也小念易成小聲念佛也奉勸世人勵聲念佛三昧易成小聲念佛也奉多醜散學者方知念佛持珠手法當結非常人能曉也念佛印見造像經可考

廻向文

見龍舒淨土文 若欲全捨念西方願文見誓願章

衆其等

一心歸命極樂世界阿彌陀佛願以

光照我慈誓攝我我今為脫娑婆苦報求生淨土。滿菩提願。發至誠心。修行淨業。願以禮念如來聖號。諷經誦咒。衆善功德。投入如來誓願海中。承佛慈力。諸罪消滅。淨因增長。我若臨欲命終。自知時至。身無痛苦。心無貪戀。意不顛倒。如入禪定。佛及聖衆。手持金臺。異香天樂。來迎接我。如一念頃。生極樂國。華開見佛。即聞佛乘。頓開佛慧。即證無生。廣度有

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

法苑珠林卷第...

法苑珠林卷第...

法苑珠林卷第...

情同歸淨土惟願如耒特垂救濟十方三世

一切佛一切菩薩摩訶薩摩訶般若波羅密

考證

淨名經曰志常安住方便迴向僧什

向佛道如視沙王被繫在獄獄孔中遙見

佛於山上往來心大歡喜應生兜率天在

路中聞毗沙門天王食彼自以饑餓而死

心甚樂著我今當往生彼食處即時於毗

沙門樓上化生小既迴向大亦宜然人之

迴向淨土者有不生淨土哉○宗鏡錄曰

經云佛言有三種迴向何等為二謂過空

當未空現在空無有迴向者亦無迴向法

亦無迴向處作是迴向時三處皆清淨以

此清淨功德與一切衆生共迴向阿耨多

羅三藐三菩提作是迴向無有九夫及九

夫法乃至亦無有佛及迴向者何以故法

性無緣不生不滅無所任故愚按懺悔有

理有事今迴向亦然龍舒之文事迴向也

宗鏡之說理迴向也二者固不可偏廢但

下學而未能上達者事迴向尤不可缺矣

般若宗鏡錄曰萬行皆有漏因不契無為累

故知般若若險惡境中之導師迷闇室中

之明炬生死海中之智燭煩惱病中之良

醫砭和山之大風破魔軍之猛將照幽塗

之赫日警昏識之迅雷扶愚盲之金錘沃

南無阿彌陀佛

一稱一拜四十八拜或二十四拜

法苑珠林卷第...

法苑珠林卷第...

法苑珠林卷第...

法苑珠林卷第...



南無觀世音菩薩

三稱三拜

南無大勢至菩薩

三稱三拜

南無清淨大海眾菩薩

三稱三拜

自歸依佛。當願眾身體解大道。發無上心。

一拜

自歸依法。當願眾生深入藏經。智慧如海。

一拜

自歸依僧。當願眾生統理大眾。一切無礙。

和南聖眾

晨昏二課畢詣釋迦佛前稱云

南無娑婆教主大慈大悲釋迦牟尼佛

三稱三拜

**考證 娑婆**

此翻能忍。言此土眾生能忍。忍土。謂初梵王。毒諸煩惱故。又真諦三藏翻為。

忍土。謂初梵王。名忍。為世界主也。

**大慈大悲**

初門曰佛住大慈心中。以大慈善根力故。能實與眾生世間樂。及出世間樂。故云慈能與樂。若四無量中慈也。佛住大悲心中。以大悲善根力故。能實拔一切眾生世間苦。分段生死苦。及變易生死苦。故云悲能拔苦。前四無量中悲雖心念救苦。而眾生實未得脫苦。故不名大也。

**釋迦牟尼**

華嚴註云。此翻能仁寂默。能仁姓也。寂默字也。昔有輪王姓甘蕉氏。聽四妃之譖。擯四太子至雪山。自立城居。以德懷入。父王悔憶。遣使往召。辭過



不還乃三嘆我子釋迦。因此命氏。此說與折疑論不同。未知孰是。○本行經云。諸釋種立性。嬌慢。及見太子。悉皆默然。王曰。宜字牟尼。故名。○妙明折疑論曰。漢西數萬里。有國曰迦維羅。王姓釋迦。父名淨飯。大夫人曰摩耶。佛本居兜率天宮。以先佛迦葉般涅槃後。佛補處。名曰護名。實以三祇位滿。萬德果圓。宿念未周。示同生滅。駕日輪香象。托陰王宮。以太夫人摩耶為母。以周昭王甲寅二十四年四月八日。毘蘭園中。右脇而生。即能縱行七步。目顧四方。一手指天。一手指地。曰。天上地下。惟吾獨尊。具三十二種大人相。八十種隨行好。年十九。士辰二月八日。呼車。履鞞。朱駝。遊看四門。逢僧了法。不樂王宮。亟欲修心。迨夜之央。淨居天人報曰。太子可出宮。今正是時。

於是跨捷陟。僕車匿。天人捧駕。飛空而去。投身雪嶺之上。跌坐磐石。靜思六年。遂成佛果。○頌曰。十九逾城六苦行。五歲歷三十城。說法度生五十年。是則共當八十壽。○又梵網經云。悉達七歲出家。三十成道。發隱曰。大藏經辯。文各稍殊。而躡主於斯。又無明釋。七歲三十。義極難辨。然則竟誰從乎。曰。十九出家。六歲成道。茲為近。吾徒衆。○佛至周定王癸酉年二月十五日入涅槃。○佛有正法。有像法。有末法。正法住世五百年。始於周定王甲戌年。終於周貞定王癸巳年。像法住世一千年。始於貞定王甲午年。終於梁元帝癸酉年。末法住世一萬年。始於甲戌。至癸丑滿一萬年。月光菩薩出此方。說法度生。滿五十二年入涅槃。

又詣護法神前云

南無三洲感應護法帝馱尊天

三稱三拜

考證

詳見普願章

還

謹按前課如經咒等項迴向等文懺悔

等法隨人志願加入不必拘此他如龍舒

居士所謂行持十念於一茶之頃為事

煩務

冗者之權教耳否則大簡恐無以攝人之

心又如永明禪師課定一百八事於一日

之間唯年富力強者可則効耳否則言難

適所以阻人之進善於脩行者當自酌之

考證自酌

成道記云佛在日有長者子名德耳授佛出家自夕精勤苦行

久無所證佛問曰汝在家日能彈琴耶答

能佛問絃太急太緩時如何答聲不成曲

又問絃得中時如何答曲韻方成佛云我

法中出家求道者亦如是太急則疲倦太

緩則懈怠得中則其道成矣德耳奉教不

簡當自酌明矣

○六時念佛篇



論念佛正因

大阿彌陀經曰第二十七願。我作佛時。諸天人  
民。至心信樂。欲生我刹。十聲念我名號。必遂來  
生。不得是願。終不作佛。

還謹按王居士謂佛自開念誦法門。此可  
證矣。他如文殊菩薩。則曰。諸修行門。無如  
念佛。大勢至菩薩。則曰。我以念佛心。入無  
生忍。及觀歷代諸師。亦多以念佛三昧往

生。至有日課五六七萬者。胡今人之見念

佛。唯之以為愚。何其謬哉。

考證文殊勸念佛

往生集曰。唐法照嘗於  
鉢內見五色雲。有梵刹

曰。大聖竹林寺。後誦五臺見異光。果得竹  
林寺。入講堂。則文殊在西。普賢在東。照作  
禮問曰。未代凡夫。未審修何法門。文殊告  
曰。諸修行門。無如念佛。我以念佛。得一切  
種智。又問。當云何念。曰。此世界。西有阿彌  
陀佛。彼願力不可思議。汝當繼念。毋令斷  
絕。決定念佛三昧。佛大勢至云。彼佛教我念  
往生。念佛三昧。得生我國。往生集中。載諸師  
修念佛三昧。往生者。不可枚舉。○華嚴疏



云。師子筋為琴絃。一奏衆絃皆絕。人修念佛三昧。諸煩惱皆滅。日課五六

七萬。性生集云。唐懷王日。課佛號五萬聲。天寶元年化去。唐寶相日。課佛號

六萬聲。亦化云。唐道綽。念佛以七萬為限。貞觀二年化去。

蓮宗寶鑑曰。蓋聞恒河沙數衆如來。彌陀第

一。十方微塵諸佛刹。極樂是歸。至理本祇唯

心。初門必由因地。欲超生死。以淨土為歸趣

之方。將證涅槃。故念佛為正心之要。先明落

處。乃望果以修因。漸履玄途。是從因而至果

故知集群賢而結社。有其旨焉。專念佛而勸

人。興其教也。是以一念興而萬靈知。信心生

而諸佛現。纔稱寶號。已投種於蓮胎。一發菩

提。即標名於金地。嗟乎。識昏障重。信寡疑多。

貶淨業為權乘。啗持誦為麤行。豈非耽溺火

宅。自甘永劫之沉迷。悖悞慈親。深痛一生之

虛喪。須信非憑他力。截惑業以無由。不遇此

門。脫生死而無路。誓同諸佛。敢効前修。勸勉

後賢深崇此道。

考證惑業

初門曰見思兩道惑障不同欲  
明見思二惑先明十使十使者  
何五利使五鈍使也五鈍使  
二嗔恚使三無明使迷惑不  
無明四慢使自恃輕他之心  
迷心平理猶豫不決曰疑五  
見使若於名色陰中長計為  
身見七邊見使執邊之心於  
見一邊為實餘邊悉為妄語  
邪見使邪心取理故名邪見  
非真勝法中謬見迴轉生心  
取十戒取使於非戒中謬以  
行故曰戒取見思中惑共九  
見諦惑欲界三十二使苦諦  
下共有十使

海土寶經全集卷五

日誦章

三十一

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

集諦下有七使除身見邊見戒取滅諦下  
有十使亦除身見邊見戒取道地有八使  
但除身見邊見故欲界四行下合有三十

九使除真集諦下有六使除嗔身見邊見  
戒取道諦下有七使亦除嗔及身見邊見

故色界四行合有二十八使見諦惑無  
六使滅諦下有六使道諦下有七使若取

若除皆如色界中分別故無色四行下合  
有二十八使共八十八使也思惟惑欲

界四使一貪二嗔三癡四慢此四使從斯  
陀舍向入修道斷乃至阿那含果九品方

盡思惟惑色界三使一貪二癡三慢此  
二使並是阿羅漢向用修道智斷也思

惟惑無色界三使一貪二癡三慢共有  
三十一

淨土寶經全集卷五

日誦章

三十一



十使。合前見諸  
惑為九十八使。

贖禪師淨土文曰。夫以念為念。以生為生者。常見之所失也。以無念為無念。以無生為無生者。邪見之所惑也。念而無念。生而無生者。第一義諦也。是以實際理地。不受一塵。則上無諸佛之可念。下無淨土之可生。佛事門中。不捨一法。則總攝諸根。蓋有念佛三昧。還源要術。示開往生一門。所以終日念佛而不乖。

於無念。熾然往生。而不乖於無生。故能允聖。各住自位。而感應道交。東西不相往來。而神遷淨域。此不可得而致詰也。

蓮池禪師曰。念佛有三義。信。願。行。是已。信謂信生佛不二。衆生念佛。定得往生。究竟成佛。故。如經所云。汝等皆當信受我語是也。願謂信非徒信。如子憶母。瞻依向慕。欲往生故。如經所云。應當發願。生彼國土是也。行謂願非



虛願常行精進。念念相續。無有間斷。故如經  
所云。執持名號。一心不亂。是也。此之三事。號  
為資糧。資糧不充。罔克前進。

還謹按資糧一部。止信願行三義。所包甚  
廣。今念佛乃資糧之一事。而亦以三義貫  
之。所該何甚狹也。噫。資糧為修行之要法。  
而念佛又資糧之要法。詩不云乎。如切如  
磋。如琢如磨。資糧之信願行。切也。琢也。念

佛之信願行。磋也。磨也。已精而益精。已  
密而益密。其念佛之資糧歟。

又曰。唯此念佛法門。三輩九品。悉皆度脫。徹  
上。則三心圓發。直入無生。徹下。則十念成功。  
亦生彼國。所謂不離一法。巧被諸根。豪傑無  
下抑之差。庸愚有仰攀之益。無機不收。有情  
皆攝者也。

又曰。念佛一路。即是入理妙門。圓契五宗。弘

該諸教精微莫測。廣大無窮。鈍根者得之而疾免苦輪。利根者逢之而直超彼岸。似粗而細。若易而難。普願深思。慎勿忽也。○問念佛法門。既在五停。蓋是小乘。非菩薩道。答。不淨數息。皆具偏圓。不曰有圓教念佛乎。思之。

還謹按古今禪師稱讚念佛法門。不可勝載。耶具二三。念佛之為正因可知矣。

考證圓契五宗

天台五宗。曰臨濟。曰為仰。曰曹洞。曰法眼。曰雲門。臨

濟痛快。為仰謹嚴。曹洞細密。法眼弘該。諸詳明。雲門高古。此其大槩耳。  
教一成佛相。要云。顯教者。謂大乘。始教有二。一法相宗。謂深密佛地。華嚴十本經。瑜伽唯識等數百卷論說一切法。皆是唯識。了二空真理。修六度萬行。趣大乘佛果。於中多談法相之義。二無相宗。謂諸部般若等千餘卷。經中百門等數本論。文說一切法。本末是空。無始迷情。妄認有欲。證菩提。以為所得。修習萬行。於中多談無相空義。斯之兩宗。皆是大乘初門。故名曰始。始者初也。三一乘終教。謂法華涅槃等四十餘部經。實性佛性等十餘論。說一切眾生皆有佛性。從本已來。靈明不昧。了了常知。無始迷倒。不自覺悟。欲成佛果。先須了悟自家佛性。後方稱性修習。本有無量妙行。



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

多談法性。是大乘盡理之教。故名曰終。終者盡也。四。一來頓教。謂楞伽思益經文。遮磨所傳禪宗。說一切妄想本空。真心本淨。元無煩惱。本是菩提。惟談真性。不依位次。成佛。故名曰頓。五。不思議圓教。謂華嚴一經。十地一論。全說毗盧法界。普賢行海。於中所有。若事若理。若因若果。一具一切。重重無盡。總含諸教。無法不收。稱性自在。無障無礙。迥殊偏說。故名為圓。此之五教。前者是淺。是權。後者是深。是實。註云。今且據對待而論。前四是權。後圓是實。若缺前四教。亦非圓暢。若五教俱傳。偏圓共讚。這根方。

念佛持法

疏云。持有數種。一者明持。謂出聲稱念。二者默持。謂無聲密念。

外九

五停見誓願章考證

三者半明半默持。謂微動唇舌念。或豕名金剛持是也。又或記數持。或不記數持。隨便皆可。此言常時念佛持法。若佛前功課。自當高聲念誦。見前對越篇考證。自當記數念佛。其持珠手法。現造像經可考之。

佛說阿彌陀經曰。若有善男子。善女人。聞說阿彌陀佛。執持名號。若一日。若二日。若三日。若四日。若五日。若六日。若七日。一心不亂。其人臨命終時。阿彌陀佛與諸聖眾。現在其前。是人終時。心不顛倒。即得往生阿彌陀佛極樂國土。



蓮師疏曰。彌陀名號。是標念境。執持一心。是明念法。一日七日。是尅念期。非境則法無所施。非法則境為虛立。非期則雖境勝法強。懈怠因循。功不速建。三事具故。能令淨業決定成就。

**考證執持**

執者。聞斯受之。勇猛果決。不搖不遺。忘故。若單言持。各分事理。憶念無間。是謂事持。體究無間。是謂理持。

疏云。一心不亂言執持之極也。是為一經要

旨。心者。揀口誦而心不念也。一者。揀心雖念而念不一也。不亂者。揀念雖一而有時乎不一也。一心不亂。淨業之能事畢矣。

**考證一心**

疏云。一心不亂。而事理各別。初事一心者。如前憶念。信力成就。

名事一心。鈔云。憶念者。聞佛名號。常憶常念。以心緣。歷字字分明。前句後句。相續不斷。行住坐卧。唯此一念。不為貪嗔煩惱諸念之所雜亂者是也。事上即得。理上未徹。唯得信力。未見道故。名事一心也。○疏云。理一心者。如前體究。復自本心。故名理一心。於中復二。一者。了知能念所念。更非二物。唯一心故。二者。非有非無。非亦有亦無。

非非有非無。離於四句。唯一心故。此純理  
觀不專事相。觀力成就。名理一心。鈔云。體  
究者。聞佛名號。不唯憶念。即念反觀。體察  
究審。觀其根源。體究之極。源於自能念心。忽然  
契合。中二義者。初如智不二。能念心外  
無有佛為我。所念是智外無如。所念佛外  
故唯一心。二則寂照難思。若言其有則能  
念之心。本體自空。所照之佛。了不可得。若  
言其無。則能念之心。靈靈不昧。所念之佛  
歷歷分明。若言亦有亦無。則有念無念俱  
泯。若言非有非無。則有念無念俱存。非有  
則常寂。非無則常照。非雙亦非雙非。則不  
寂不照。而照而寂。言思路絕。無可名狀。故  
唯一心。斯則能所情消。有無見盡。清淨本  
然之體。更有何法。而雜亂。以見諦故。名理

一心 現在其前 疏云。但能一心不亂。命終  
也。感應道交。自力者。人命終時。平生善惡

自然現前。如十惡五逆。地獄現前。墮畜惡  
趣。餓鬼現前。乃至五戒十善。人天現前。今

專念佛。一心不亂。則淨念成就。清淨心中。  
寧不佛現前乎。楞嚴所謂憶佛念佛。現前  
當未必定見佛。定也。佛力者。經中所謂念

佛衆生。攝取不捨是也。若依般若。則自力  
復二。一者念力。二者本有。如舟船念佛。如帆  
攝取力。乃成三力。本有。如舟船念佛。如帆  
攝取力。乃成三力。本有。如舟船念佛。如帆

心不顛倒 疏云。以一心不亂。故不顛倒。以  
其速也。鈔云。顛倒者。由其平日隨順妄想  
不修正念。心多散亂。將捨爰觸之時。一生



所作俱現於前心神惶怖動止揮霍應入  
地獄者刀山劍樹視作園林應墮畜生者  
馬腹驢胎認為堂宇就令作善合為人天  
未免憎愛父母乃至小聖初心猶不能正  
知出入皆所謂顛倒也乘此顛倒三界七  
趣隨業受生今既一心不亂則內凝正念  
外感佛迎捨此報身竟生彼國如佛言隨  
其心淨則佛土淨又言一切國土唯想所  
持淨想成就必得往生固無疑也速者不  
經中陰不隔時日如觀經所謂如彈指頃  
生極樂國也

淨土或問曰。世網中人。若是痛念無常。用心  
真切者。不問苦樂逆順。靜閑閑忙。一任萬緣。

交擾。八面應酬。與他念佛。兩不相妨。不見古  
人道。朝也阿彌陀。暮也阿彌陀。假饒忙似箭。  
不離阿彌陀。每日或念三萬聲。一萬聲。三千  
聲。一千聲。定為日課。不容一日放過。又有忙  
冗之極。頃刻無間者。每日晨朝十念。積久功  
成。亦不虛廢。念佛之外。或念經禮佛。懺悔發  
願。種種結緣。種種作福。隨力布施。修諸善功。  
以助之。如此。非惟決定往生。亦必增高品位。



矣。

又曰念佛者或專緣三十二相繫心得定開  
目閉目常得見佛或但專稱口號執持不散  
亦於現身而得見佛稱佛之法必須制心不  
令散亂念念相續繫緣佛號口中聲聲喚阿  
彌陀佛以心緣歷字字分明稱佛名時無多  
少並須一心一意心口相續如此方得一念  
滅八十億劫生死之罪若不然者滅罪良難

善道和尚有專修無間之說專修者謂衆生

障重境細心粗識颺神飛觀難成是以大聖

悲憐直勸專稱名號止由稱名易故若能念

念相續畢命為期百即百生何以故無外禱

緣得正念故若捨真修而修禱業以求生者

百中希得一二乃由禱緣亂動失正念故也

觀其專修無間之說要緊只在念念相續故

孤山有云不可等閒發願散亂稱名永明亦

云。直須一心皈命。盡報精修。念佛發願之時。懇苦翹誠。無諸異念。如就刑戮。怨賊所追。水火所迫。一心求救。願脫苦輪。速證無生。廣度含識。紹隆三寶。誓報四恩。如斯志誠。方不虛棄。如或言行不稱。信願輕微。無念念相續之心。有數數間斷之意。恃其懈怠。臨終望生。但為業障所遮。恐難值其善友。風火逼迫。正念不成。何以故。如今是因。臨終是果。應須因實。

果則不虛故也

蓮池禪師曰。孔子言終食造次顛沛不違仁。此不違工夫。雖是不易到。然作而不止。乃成自然。况以久行持。忽地有箇省處。則苦樂逆順。道在其中。所謂啖唾掉臂。無不是祖師西未意。念佛者。亦在乎熟之而已矣。

還謹按淨土或問前一云。申明事一心也。而

理在其中矣。後一段所云。申明理一心也。



而事在其中矣。至於蓮師所云則一心  
圓融。渾然純熟。及其成功則一也。而事理  
不必辨矣。嗚呼。念佛至此。尚何遺法之有  
哉。

蓮池禪師曰。或問。今見世人念佛者多。生西  
方成佛者少。何也。答。此有三故。一者。口雖念  
佛。心中不善。以此不得往生。奉勸世人。既是  
念佛。便要依佛所說。要積德修福。要孝順父

母。要忠事君王。要兄弟相愛。要夫婦相敬。要  
至誠信實。要柔和忍耐。要公平正直。要陰隲  
方便。要慈愍一切。不殺害生命。不凌辱下人。  
不欺壓小民。但有不好心起。著力念佛。定要  
念退。這不好心。如此纔是念佛的人。定得成  
佛。二者。口雖念佛。心中胡思亂想。以此不得  
往生。奉勸世人。念佛之時。按定心猿意馬。字  
字分明。心心照管。如親在西方。面對彌陀。不

敢散亂。如此纔是念佛的人。定得成佛。三者。口雖念佛。心中只願求生富貴。或說我等凡夫。料得西方無有我分。止圖來世不失人身。此則不合佛心。佛指引你生西方。你却自不願。以此不得往生。奉勸世人。凡念佛者。決意求生西方。休得疑惑。如天宮富貴。福盡也要墮落。何況人間富貴。能有幾時。若說你是凡天。西方無分。則聖賢多是凡夫做。安知你不

生西方也。便可發廣大心。立堅固志。誓願往生。見佛聞法。得無上果。廣度衆生。如此纔是念佛的人。定得成佛。

**考證孝順父母**

觀孝名為戒之經。則修諸德行。以孝順父母為先。觀

為善陰。臨之書。則作諸善事。以陰臨方便。為首。故以二者考證之。寶藏經云。孝順父母。天主帝釋在汝家中。又能行孝。大梵尊天在汝家中。又能盡孝。釋迦文佛在汝家中。跋闍菩薩親服患愈。慈心童子。火輪速滅。即其靈應。發隱曰。善事父母。謂奉養無方。服勤有道。孝之始也。帝釋臨焉。又能行者。凡是孝道。無不舉行。孝之中也。梵王



臨焉。又能盡者。現生父母。別生父母。歷生  
父母。無不酬答。孝之終也。釋迦臨焉。天能  
聽卑。佛徧一切。簡在真加。理有之也。故睽  
魔割目。救父。而沉病。愈於一朝。慈心發願  
代苦。而火輪。消於頃刻。至行動天。真誠感  
佛。正猶是耳。恐世不信。說云。何天佛得在  
你家。故引二。陰騭方便。龍舒曰。大觀間。有  
事以證之也。一官員。其父已故。  
一日出外。見其父乘馬。前行。不顧其子。其  
子乃呼曰。我與父。生為父子。何無一言以  
教我。其父曰。學葛繁。問葛何人。曰。世間人。  
遂訪問。所在。其時為鎮江太守。乃往見之。  
言其故。且問葛何以見重於幽真如此。答  
云。予始者。日行一利人事。其次行二事。三  
事。或至十事。于今四十。年未嘗一日廢。問  
何以利人。葛指座間脚踏子云。若此物置

之不正。則愛人足。予為正之。亦利人事也。  
又若人渴者。能飲以一杯水。亦利人事也。  
唯隨事而行之。上自卿相。下至乞丐。皆可  
以行。唯在乎久。而不廢耳。其子拜而退。嘗  
後。以高壽坐化而去。葛兼修淨業。以是回  
向。後有僧神遊淨土。見葛在焉。由是觀之。  
則陰騭方便者。可  
即小以喻大矣。

### 論念佛勝利

賓主盤桓曰。持念佛名。為有二種殊勝利益  
故。內則令念者覺。斯無量壽。即可解脫。此有  
限生苑之身。外則實有彼佛願力。以接引念

佛者臨終往生淨土。

還謹按此二種乃勝利之綱領後之四方

便十利益諸感應特其節目耳雖十利益

有接引之說實無歸重之意也故表章之

蓮池禪師疏曰念佛一明最為方便畧陳有

四一不值佛出世常得見佛方便二不斷惑

業得出輪迴方便三不修餘行得波羅密方

便四不經多劫得疾解脫方便。

考證

鈔云得常見佛者起信論云有初學

謂信心難就如未有勝方便攝護信心謂

專意念佛即生佛土常見於佛如修多羅

說專念西方阿彌陀佛即得往生終無有

退此經則七日一心佛現前是也故知

靈山已過龍華未來無佛世中而得見佛

是名最勝第一方便得出輪迴者由感起業

由業感報往未六道輪轉無窮依餘法修

直至惑盡始得出離而托質世間并況未

保唯茲念佛帶惑往生以已念力及佛攝

中  
卷五

阿彌陀

三

五  
廿一



心念佛。諸惡自止。即持戒波羅密。一心念  
佛。心自柔軟。即忍辱波羅密。一心念佛。永  
不退墮。即精進波羅密。一心念佛。餘想不  
生。即禪定波羅密。一心念佛。正念分明。即  
般若。一。波羅密。推而極之。不出一心中。  
行具足。如大本法藏頌云。若我成佛。國中  
有情。不獲神通。自在波羅密多。不取正覺  
是為第三最勝方便。得疾解脫者。智論云。  
有諸菩薩。自念誇大般若。墮惡道中。歷無  
量劫。雖修餘行。不能滅罪。後遇知識。教念  
阿彌陀佛。乃得滅罪。起生淨土。又十住斷  
結經云。是時座中有億眾。自知死此生  
彼牽連不絕。欲為之源。樂生無欲國土。佛  
言。西方有佛。名曰無量壽。其土清淨。無淫  
怒癡。蓮華化生。汝當生彼。故大本云。菩薩  
欲令眾。生速疾。安住無上菩提者。應當起

精進力。聽此法門。古謂欲得一生取辦。便  
於是法留心。是名最勝第四方便。

淨土或問曰。經中道受持佛名者。現世當獲  
十種利益。一者。常得一切諸天大力神隱。形

守獲。二者。常得一切菩薩常隨。守獲三者常得諸

佛晝夜護念。阿彌陀佛常放光明。攝受此人。

四者。一切惡鬼皆不能害。一切蛇龍毒藥。悉

不能中。五者。水火冤賊。刀箭牢獄。橫死枉生。

悉皆不受。六者。先所作業。悉皆消滅。所殺冤

命彼蒙解脫。更無執對。七者夜夢正直。或復  
夢見阿彌陀佛勝妙色相。八者心常歡喜。顏  
色光澤。氣力充盛。所作吉利。九者常為一切  
世間人民恭敬供養。歡喜禮拜。猶如敬佛。十  
者命終之時。心無怖畏。正念見前。得見阿彌  
陀佛。及諸聖衆。接引往生淨土。如此十種利  
益。經文具載。乃佛口之所宣也。既是現生皆  
有利益。然則世出世間。要緊法門。無如念佛

者矣。

還謹按龍舒淨土文。敘念佛現世感應一  
卷。不可不知。有念佛薦亡。如張繼祖者。有  
念佛却鬼。如陳企者。有念佛脫難。如邵希  
文者。有念佛安寢。如劉仲慧者。有念佛屋  
不壓。如瞽婦者。有念佛而風疾不作。如  
王居士者。有念佛而疴疾遂愈。如李子清  
者。有念佛眼明。如阮嫂者。有念佛痼疾皆



愈如梁氏女者。有念佛治病得愈如秀州僧者。有念佛孫兒免難如鄉老者。有見殺生念佛得福如鄭鄰者。由此推之。念佛勝利奚啻十種而已哉。

**考證念佛薦巨**

龍舒王居士曰。予嘗與張繼祖。西方事。繼祖信之。

其乳母死。多為念佛。彌佛追薦。一夕夢。

**念佛却鬼**

子同郡陳企。嘗長殺人。後見鬼。現。企念佛不已。鬼遂不

敢近。企念佛不已。鬼遂不現。後常念佛。臨終坐化。 **念佛脫難** 晉江

希文為士人時。夢至一官府。人皆稱安撫。行至前。見一官負問云。汝知汝未及第。因否。對曰不知。引希文去。見一大鑊。煮蛤蚧。見希文。及作人言。叫其姓名。希文遂念阿彌陀佛。方念一聲。蛤蚧皆變作黃雀。飛去。希文後果乃第。至安撫使。以此見殺生阻人前程。不可不戒。又見 **念佛安寢** 子舊相佛力廣大。不可不敬也。 **念佛安寢** 識劉仲慧。以夜夢多恐懼。子勸以念阿彌陀佛。仲慧志誠高。聲念百八遍。當夜遂安寢。次日如前念誦。自 **念佛屋不壓死** 有一老婦。雙此皆得安寢。 **念佛屋不壓死** 替令小兒牽行。常念阿彌陀佛。一日息於簾屋之下。忽傾倒。小兒走出。老婦在下。乃有二木相住。護於老婦之 **念佛風疾不作** 王居士於金山借阿彌陀

佛經欲校勘刻板廣傳舉筆之時右手有風其指自掉寫字不便乃舉指念阿彌陀佛與觀世音菩薩數聲禱除風疾以成就此經禱畢指遂不掉以至終帙無恙以此見佛菩薩只在目前念佛愈疴官員李子疾子乃授以一方臨發時專念阿彌陀佛子清從之其日遂愈八分次日復如是遂全愈子清由念佛明眼予同郡有阮嫂患是篤信佛理念佛愈痼疾梁氏女雙目彌陀佛遂得開念佛愈瘖疾俱盲念阿彌陀佛三年繫念不絕雙目開明念佛治病又馮氏夫人念佛久病自愈念佛治病秀州一僧常念阿彌陀念佛為人治病常得全愈念佛兒孫免難子

村間有一老人每有事必合掌至額念阿彌陀佛其孫兒方二三歲因隨母至田野忽失之後數日人告云在溪外果尋得之其足跡偏於灘上其溪甚深不知此兒何緣過彼又且久而無恙人念佛得福饒州以為其祖志誠念佛所感念佛得福輿典鄭邠死至陰府以候來放還閻羅王告云汝還人間見人殺生但念阿彌陀佛與觀世音菩薩彼得受生汝亦得福以此推之足以見念阿彌陀佛可薦拔亡者可增延特往生西方而已

### 論臨終念佛

龍舒淨土文曰凡一切命終欲生淨土須是



不得怕死。但當放下身心。莫生戀著。凡遇有病。便念無常。一心待死。叮囑家人。病重之時。凡來我前。為我念佛。不得說家中長短之事。不得哭泣嗟嘆。惑亂心神。失其正念。但一時同聲念佛。待氣盡了。方可哀泣。纔有絲毫戀世間心。便成罣礙。不得解脫。若明曉淨土之人。頗來策勵。極為大幸。若依此者。決定超生。即無疑也。

淨土或問曰。一生造惡。臨終念佛。帶業得生。然則我於生前。且做世間事業。直待臨終。然後念佛。可乎。荅曰。苦哉。苦哉。何其愚謬之甚也。向所謂逆惡。凡夫。臨終念佛者。乃是宿有善根。福德因緣。方遇知識。方得念佛。此等僥倖。萬萬中一人。汝將謂人人。臨終有此僥倖。豈不見羣疑論云。世間有十種人。臨終不得念佛。一者。善友未必相遇。故無勸念之理。

海山集卷五  
日談章  
二者業苦纏身。不遑念佛。三者或偏風語。不能稱佛。四者狂亂失心。注想難成。五者或遭水火。不暇至誠。六者遭遇豺狼。無復善友。七者臨終惡友。破壞信心。八者飽食過度。昏迷致死。九者軍陣戰鬪。奄忽而亡。十者忽墮高巖。傷壞性命。如此十種。尋常有之。或宿緣所招。或現業所感。忽爾現前。不容迴避。便須隨業受報。向三途八難中。受苦受罪。直饒你無

此惡緣。只是好病而死。亦未免風刀解體。四大分離。病苦逼迫。忙怖張惶。念佛不得了也。更饒你無病而死。又或世緣未了。世念未休。貪生怖死。擾亂胃懷。若是俗人。又兼家私未明。更有後事未辦。妻啼子哭。百種憂煎。念佛不得了也。更饒你未死以前。只有些少病痛在身。忍疼忍苦。叫喚呻吟。問藥求醫。禱祈懺悔。禱念紛飛。念佛不得了也。更饒你未病以



前只是年紀老大。衰相現前。因頓龍鍾。愁嘆  
憂惱。只向箇衰老身上。左右安排。念佛不得  
了也。更饒你未老以前。正是少壯之日。正好  
念佛之時。稍或狂心未歇。俗務相關。東攀西  
緣。胡思亂想。業識茫茫。念佛不得了也。更饒  
你清閑自在。有志修行。稍於世相之中。照不  
破。放不下。把不定。坐不斷。忽然此子境界現  
前。一箇主人。隨他顛倒。念佛不得了也。你看

他老病之時。少壯清閒之日。稍有一事在心。  
早是念佛不得。况待臨終時哉。何况你更道  
且做世間事業。且世間事業。如夢如幻。如影  
如響。那一件有實效。那一件替得生死。縱饒  
你廣造伽藍。多增常住。攀求名位。結交官豪。  
你将謂多做好事。殊不知犯了如來不體道  
本。廣造伽藍等戒。豈不見道有為之功。多諸  
過咎。天堂未就。地獄先成。生死未明。皆為苦

海山齋精全集卷五  
日誦章  
本眼光落地。受苦之時。方知平生所作。盡是  
枷上添枷。鎖上添鎖。失却人身。萬劫難復。鐵  
漢聞之也。須淚落。祖師如此。苦口勸人。曾許  
你且做事業。待臨終方念佛乎。又不見死心  
禪師道。世間之人。財寶如山。妻妾滿前。日夜  
歡樂。他豈不要長生在世。爭柰前程有限。暗  
裏相催。符到奉行。不容滯住。且據諸人眼見  
耳聞。強壯後生。死却多少。世人多云。待老來

方念佛。好教你知。黃泉路上無老少。能有幾  
人待得到老。少年死者多矣。古人云。莫待  
老來方念佛。孤墳多是少年人。又云。自從早  
年索妻養兒。經營家計。受盡萬千辛苦。忽然  
三寸氣斷。未免一旦皆休。若是孝順兒孫。猶  
是記憶爹娘。若是不肖之子。父母方死。骨頭  
未冷。作撻財產。恣意作樂。以此較之。着甚麼  
急。兒孫自有兒孫福。莫與兒孫作馬牛。古德



如此苦口勸人。曾許你且做事業。待臨終方念佛乎。當思人生在世。能有幾時。趁此未老未病之時。抖擻身心。撥去世事。得一日光景。念一日佛名。得一時功夫。修一時淨業。由他臨命終時。好死惡死。我之盤纏。預辦了也。我之前程。穩穩當當了也。若不如。此。後悔難追。思之思之。

還謹按天如以老來方念佛之言。憫念衆

生。惟恐其無及。可謂喫緊為人矣。不知今人多以塵俗終其身。老而不念者。恒十之八九也。嗚呼。其有負於古德者。不亦多乎。

○六時觀想篇

論一心三觀

淨土指歸曰。三觀者。一念即空。即假。即中也。恢揚肇自於如來。妙悟近推於智者。所謂空者。一切皆空。三觀悉泯。蕩相之用也。假者。一

切皆假。三觀悉明。立法之功也。中者。一切皆中。三觀悉是絕待之體也。是則終日蕩相而諸法皆成。終日立法而纖塵必盡。終日絕待而三諦熾然。故般若談空。八十法門得顯。維摩立法。三界見愛皆忘。法華一乘。世間之相常住。皆由三觀相即。致令諸法無遺。故三即非三。一即非一。非次第而入。非並列而觀。不可以有無求。不可以中邊取。三一圓融。修性

法苑珠林卷五

三觀章

二百五十五

真泯。豈識心之所測。何言說之能詮。故強示云。不可思議之妙觀也。故龍樹云。除諸法實相。餘皆魔事。迦葉云。未聞大涅槃前。皆是邪見。大矣哉。一心三觀之妙宗也。

淨土境觀要門曰。且如照此白毫。即是我心。心外無法。法法巨得是空。其相宛然是假。假即是境。空即是觀。了了通達。不為境所染。巨假也。了了通達。不為智所淨。巨空也。非染非

法苑珠林卷五

三觀章

三

二百五十五



淨境觀雙絕。能所頓亡。即是中道。何有前後  
耶。頌曰。境為妙假觀為空。境觀雙亡便是中。正照何曾有前後。一心融絕了無蹤。  
又曰。問。淨土依正。在十萬億刹外。何云惟心  
淨土。本性彌陀。又經云。阿彌陀佛去此不遠  
耶。荅。此義須約三諦三觀說之。其疑方解。何  
者。就不失自體。東西宛爾邊。何妨在十萬億  
刹之外。即妙假也。就同一性體。不隔毫厘邊。  
即妙空也。就不一不異。二相亡泯。即妙中也。

亦是一即一切。故不妨遠。一切即一。故不妨  
近。非一非一切。故不遠不近。小彌陀偏云其  
遠。十六觀經偏語其近。既其遠近雙照。必遠  
近雙寂。是則遠近非近非遠。生即無生。無生  
即生。非生非不生。今人偏執一邊。不能圓解。  
故十疑論云。今人聞生便作生解。聞不生便  
作不生解。正墮此責也。悲夫。

考證三諦三觀

宗泐曰。觀即般若妙智。以此妙智觀有為法。無非妙

境。妙境者。一境三諦也。妙智者。一心三觀也。三觀者。空假中也。三諦者。真俗中也。即觀有為之法。離性離相之謂空。無法不具之謂假。非空非假之謂中。諦者。審實不虛之謂。全諦發觀。以觀照諦。生即無生無既即一而三。觀豈前後而照。生即無生無生即生。淨土或問曰。余以性相二字釋之。妙真如性。本自無生。因緣和合。乃有生相。以其性能現相。故曰無生即生。以其相由性現。故曰生即無生也。如此。則知淨土之生。唯心所生。無生而生。理何乖焉。

### 觀想白毫法

龍舒淨土文曰。齋戒潔已。清心靜慮。面西安

坐。閉目默然。觀想阿彌陀佛真金色身。在西方七寶池中。大蓮華上。身長丈六。兩眉中間。有白毫一條。八稜中空。右旋轉五遭。光明照耀。金色身面。次停心。注想於白毫。更不得妄有分毫他念。當令閉目。開目。悉皆見之。蓋欲念念不忘也。如此久久。念心成熟。自然感應。見佛全身。此法最為上。謂心想佛時。此心即是佛。又過於口念也。身後必上品上生。唐啓



芳園果二人作觀想法。只五月。自覺身到淨土。見佛聞法。

**攷證**

或問舍日觀而處作毫相之觀。疑於故奈觀經次序矣。蓮池禪師答曰。不觀日輪而觀毫相。是自有說。良以觀門雖廣也。而標大主。則言佛便周。佛相雖多也。而表中道。則惟毫是統。蓋為夫樂簡便而厭煩劇者設也。似乎越次。實則無傷。

**十六觀想法節要**

觀無量壽佛經。畧曰。時常提希白佛言。世尊。是諸佛土。雖復清淨。我樂生極樂世界阿彌陀佛。

所惟願。世尊教我思惟。教我正受。爾時世尊告常提希。欲生彼國者。當修三福。一者。孝養父母。奉事師長。慈心不殺。修十善業。二者。受持三歸。具足衆戒。不犯威儀。三者。發菩提心。深信因果。讀誦大乘。勸進行者。如此三事。名為淨業。善思念之。如來今者。為未來世一切衆生。為煩惱賊之所害者。說清淨業。善哉。常提希。快問此事。今者。教韋提希。及未來世一切衆生。觀於西方極

樂世界見彼國土極妙樂事。心歡喜故。應時即  
得無生法忍。汝是凡夫。心想羸劣。未得天眼。不  
能遠觀諸佛。如來有異方便。令汝得見阿彌陀  
佛極樂世界。云何得見。汝及衆生。應當專心繫  
念一處。想於西方。

考證總論十六觀

淨土指歸曰。初觀落日。心  
不馳散。二令心想。正向西方。次觀清水。復  
想成水。良以彼土琉璃為地。此地雖想。水  
想若成。實地可見。次觀彼國地樹池樓。至  
樓若成。實土皆現。故名總觀。已上觀依報。

竟次觀正報。既欲觀佛。佛必坐座。故先觀  
華座。又真佛難觀。要須觀像。像觀若成。真  
佛可見。八萬相好。但觀毫相。如五須彌。此  
想若成。八萬皆觀。次觀音執至。真觀三  
身。次修普觀。先想己身。觀音執至。真觀三  
聖。來入我心。初修懺觀。觀彼佛身。勝劣化  
用。能大能小。皆全法界。已上七觀。觀正報。  
次觀三輩往生。令捨中下。修習上品。觀與  
經合。名為正觀。見相垂  
帝提希無量壽佛  
經畧云。王  
舍大城有太子。名阿闍世。執父王頻婆娑  
羅。幽閉室內。國太夫人常提希。密以堯眾  
上王。太子聞之。將母閉置深宮。常提希悲  
泣。向佛禮佛。佛遂從閻耆崛山沒。於王宮  
出。告帝提希。以三種淨業。乃得生極樂國  
土。為說十六觀法。○說云。阿闍世何故舉



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

此逆事為彰此界極惡親所生子猶尚遠  
害即欲令人厭棄同欣淨土調達閻世頻  
婆帝提皆是大權現 **孝養父母** 淨土指歸  
逆現順利益眾生也 曰贖禪師  
作勸孝文前言孝養甘旨為世間之孝後  
言勸父母修淨土為出世之孝世間之孝  
一世而止出世之孝無時而盡能使父母  
生淨土莫大之孝父母現在而子不以此  
勸勉他日徒爾傷心多為厚禮亦何益哉  
觀經前後兩說孝養父母為淨業即此意  
也 **十善業** 身除 邪口離四過 煩惱賊 說  
損慧命傷法 意斷三業為十善業 煩惱賊 說  
身故名為賊 **具足眾戒** 說云通俗  
俗受者

第一日觀

凡作想者當正坐西向專想日沒時狀如懸鼓  
閉目開目皆令明了名為初觀。

第二水觀

次作水想見水澄清當起冰想見冰映徹作琉璃  
想。

第三地觀

此想成已見琉璃地內外映徹下有金剛七寶  
金幢擎琉璃地其幢八方八稜具足百寶所成

有千光明映瑠璃地上以黃金繩襍廁間錯以七寶界分齊分明。一寶中其光如華。又如星月懸處虛空成光明臺樓閣千萬於臺兩邊各有百億華幢無量樂器以為莊嚴。八種清風從光明出鼓此樂器演說苦空無常無我之音。如此想者名為窟見極樂世界。

**考證**

八種清風

說云彼處實無時節謂除風。鈔云彼八風不同此土令物生長及以東落但鼓自然之樂演乎妙法之音耳。

#### 第四樹想

次觀寶樹作七重行樹想。一樹高八千由旬七寶華葉無不具足作異寶色妙真珠網彌覆樹上有七重網。一一網間有妙華宮殿諸天童子自然在中。此諸寶樹生諸妙華作閻浮檀金色。涌生諸果如帝釋瓶有大光明化作幢幡寶蓋是寶蓋中映現三千大千世界十方佛國。是為樹想。



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

考證閻浮檀金

閻浮。具云染部捺陀。此是西域河名。近閻浮捺陀樹。

其金出河中。即此河因樹立稱。金由河得名。又楞嚴會解云。閻浮檀樹果汁入水。沙石成上等金。故名閻浮檀金。故帝釋瓶。其能為天主也。○有人常供奉天。其人貧窮。天愍之。自現身而問之曰。汝求何等。答云。我求富貴。天與一器名曰德瓶。而語之曰。所須之物。從此瓶出。其人應意所欲。無不得。今以妙華湧出諸果。如彼德瓶。出釋迦牟尼。如來拈檀世界。金剛光明如來。妙香世界。寶光明如來。妙喜世界。不動如來。善住世界。師子如來。鏡光明世界。

帝釋瓶

其能為天主也。○

十方佛國

娑婆世界

釋迦牟尼。如來拈檀世界。金剛光明如來。妙香世界。寶光明如來。妙喜世界。不動如來。善住世界。師子如來。鏡光明世界。

月覺如來。寶師子在嚴世界。毘盧遮那如來。○經云。或有國土。七寶合成。或有國土。如自在天宮。或有國土。如玻璃鏡。或有國土。純是蓮華。○佛國無量。此畧言之耳。

第五池觀

極樂國土有八池水。七寶所成。其寶柔輦。從如意珠王生。分為十四支。一支作七寶色。黃金為渠。渠下皆以稊金剛以為底沙。一水中有一七寶蓮花。其摩尼水流注華間。尋樹上下。其聲微妙。演說苦空。無常無我。諸波羅密。復有讚嘆。

諸佛相好者。如意珠王涌出金色光明。其光化為百寶色鳥。和鳴哀雅。常讚念佛法念僧。是為八功德水想。

**攷證**

經云其摩尼水流注華間。尋樹上下。鈔云論其寶水稱適人情。自然上樹。然後源下。故上生。經明兜率宮有水遊梁間。與此同也。

摩尼珠

此翻離垢

言此寶光淨不為垢所染。又翻如意珠。

### 第六總觀

眾寶國土。一一界上。有五百億寶樓。其樓閣中。

有無量諸天。作天妓樂。又有樂器懸處虛空。不鼓自鳴。此眾音中。皆說念佛法念僧。此想成已。名為麤見極樂世界寶樹寶地寶池。是為摠觀想。

### 第七座觀

欲觀彼佛。當起想念。念於七寶池上。作蓮華想。其蓮華有八萬四千葉。一葉間有百億摩尼珠。王以為映飾。放千光明徧覆上地。釋迦毗楞伽寶



以為其臺。此蓮華臺上有四柱寶幢。幢上寶幔有五億微妙寶珠。以為暎飾。一寶珠有八萬四千光。徧其佛土。隨意變現。施作佛事。是為佛座想。如此妙華。是本法藏比丘願力所成。若欲念彼佛者。當先作此華座想。

考證釋迦毗楞伽寶此云能勝八萬四千光相

隨行好及光明。皆八萬四千者。因障顯德。故成此數。佛居九地。具於八萬四千壺勞。皆見實相。理智故能示現。推好光明。故云八萬四千。

第八 像觀

想彼佛者。先當想像如閻浮檀金色。坐彼華上。見像坐已。見寶地寶池寶樹行列。諸天寶幔彌覆其上。復當更作一大蓮華在佛左邊。觀世音菩薩像坐左華座。復作一大蓮華在佛右邊。大勢至菩薩像坐右華座。亦作金色如前。此想成時。佛菩薩像皆放金色光。照諸寶樹。一樹下亦有三蓮華。各有一佛。二菩薩徧滿彼國。是為

像想

第九佛觀

次當更觀無量壽佛。身相光明如闍浮檀金色。佛身高六十萬億那由他恒河沙由旬。眉間白毫。右旋宛轉如五須彌山。佛眼如四大海水。青白分明。身諸毛孔。演出光明如須彌山。彼佛圓光中。其相好光明。及與化佛。不可具說。以觀佛身故。亦見佛心。佛心者。大慈悲是。以無緣慈攝

取眾生。

**考證**那由他

萬億由旬。此云限量。犬八十里。中六十里。下四

十里。如今

**無緣慈**

釋論云。慈有三種。一。衆生緣。無心攀援。一切衆

生。而於衆生自然現益。如涅槃經我實不往。慈善根力。能令衆生見如來。二。法緣者。無心觀法。而於諸法自然普照。如日照物。無所分別。三者無緣。無心觀理。而於平等第一義中。自然安住。以無緣慈攝諸衆生。辨佛心相也。○此說與前不嗔恨條下所解三慈各別。並存之以備參考。

第十觀音觀



次當觀觀世音菩薩身長八十萬億那由他由旬身紫金色頂有肉髻項有圓光有無數化佛化菩薩以為侍者舉身光中五道衆生一切色相皆於中現頂上毗楞伽摩尼寶以為天冠天冠中有一立化佛高二十五由旬手掌作五百億襟蓮華色一色有八萬四千光普照一切以此寶手接引衆生其餘身相衆好具足如佛無異唯頂上肉髻及無見頂相不及世尊是為

觀觀世音

考證肉髻天冠

身相既多先觀肉髻次觀天冠以此二者表示觀音也

頂相

佛三十二相云頂肉髻成乃知佛雖有肉髻而不見肉髻之頂相也

第十一勢至觀

次觀大勢至菩薩身量大小亦如觀世音舉身光明作紫金色有緣衆生皆悉得見但見菩薩一毛孔光即見此十方無量諸佛淨妙光明是故號此菩薩名無邊光以智慧光普照一切令離

三塗得無上力。是故名大勢至。頂上肉髻上有一寶瓶。盛諸光明。普見佛事。餘諸身相。如觀音無異。是為觀大勢至。

第十二普往生觀

見此事已。當起自心生於西方極樂世界。於蓮華中結跏趺坐。作蓮華合想。開想。蓮華開時。有五百色光。來照身想。眼目開想。見佛菩薩滿虛空中。水鳥樹林。及與諸佛所出音聲。皆演妙法。

與十二部經合。是為普觀想。

第十三禪觀

阿彌陀佛。或現大身滿虛空中。或現小身丈六八尺。所現之形。皆真金色。圓光化佛。及寶蓮華。如上所說。觀世音大勢至。身同衆生。但觀首相。此二菩薩。助阿彌陀佛。普照一切。是為禪想觀。

考證

但觀首相。觀音頭上天冠中有一立

諸光明。以此為別也。

化佛。勢至頭上有寶瓶。盛



第十四上品上生觀

佛告阿難及常提希。上品上生者。若有衆生願  
生彼國者。發三種心。即便往生。何等為三。一者  
至誠心。二者深心。三者迴向發願心。具此三心。  
者。必生彼國。復有三種衆生。當得往生。何等為  
三。一者。慈心不殺。具諸戒行。二者。讀誦大乘方  
等經典。三者。脩行六念。迴向發願。願生彼國。具  
此功德。一日乃至七日。即得往生。生彼國時。此

人精進勇猛故。阿彌陀如來。與觀世音大勢至。  
無數化佛。百千比丘。聲聞大衆。無量諸天。七寶  
宮殿。觀世音菩薩。執金剛臺。與大勢至菩薩。至  
行者前。阿彌陀佛放大光明。照行者身。與諸菩  
薩。授手迎接。觀世音大勢至。與無數菩薩。讚嘆  
行者。勸進其心。行者見已。歡喜踊躍。自見其身。  
乘金剛臺。隨從佛後。如彈指頃。往生彼國。生彼  
國已。見佛色身。衆相具足。見諸菩薩。色相具足。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

光明寶林演說妙法聞已即悟無生法忍經  
須臾間。歷事諸佛。徧十方界。於諸佛前。次第受  
記。還至彼國。得無量百千陀羅尼門。是名上品  
上生者。

還謹按先賢云。學莫先於立志。是故有志  
者事竟成。然則修淨業者。可不以上品上  
生自期。而中下自足乎。予故止錄此篇。不  
及餘品。亦厚望衆生之意也。能立其志者。

尚其最之

攷證三心

淨土指歸曰。善導和尚云。身體  
拜彼佛。稱念彼佛。意觀念彼

佛。三業真實。名至誠心。以真實信心。知彼  
身具足煩惱。派轉三界。信知彌陀本願。下  
至十念得生。無有一念疑心。故名深心。凡  
所作為一切善相。悉皆迴向往生。故名迴  
向發願心。○說云。佛果高深。以六念  
心往來。故名深心。此說尤明切。○初門  
念佛。若遭恐怖及衆障難之時。應當念佛。  
是多陀阿伽度。阿羅訶三藐三佛。陀神  
無量。如是念。恐怖障難即除。○二念法。若  
恐怖障難之時。應當念法。佛法巧出。得令  
○三念僧。備佛弟子衆。具足五分法身。中



有四雙八輩三乘得果。應受供養禮事。世界無上福田。○四念戒。戒是遮諸惡安隱。住處。是中戒有三種。所謂律儀戒。定共戒。道共戒。律儀能除身口諸惡。定共能遮煩惱。道共能破無明。得慧解脫。○五念捨。有二種。一者捨施捨。二者捨煩惱捨。捨施捨能捨大功德。捨煩惱捨。因此得智慧。一涅槃。○六念天。謂四天王天。乃至他化自在。復有四種天。一名天。二淨天。三淨天。四淨天。如是得果報清淨。利安一切。○妙宗。鈔云。前三念天。後三念自戒。施是自因。生天是自果也。

帝網無盡觀法

成佛心要曰。普賢行海。雖汗浩無涯。今就觀

行。畧示其一。曰帝網無盡觀。於中畧示五門。

一禮敬門。二供養門。三懺悔門。四發願門。五

持誦門。

初禮敬門者。謂想盡虛空。徧法界。塵塵刹刹。

帝網無盡三寶前。各有帝網無盡自身。每一

一身。各禮帝網無盡三寶。更想此一門。盡未

來際。無有休歇。念念相續。無有間斷。身語意

業。無有疲厭。

以下四門准此類推

**考證帝網**

發隱曰大梵天王赤珠羅網紅光四射寶色交輝文彩千重不相障闕也。宗鏡錄曰帝網從喻得名。若就法立應名重現無盡門釋曰重重無盡者即是一法皆含真如心性

無盡之理所以互徧重門禮敬  
或坐中晨昏禮佛暫時欽念入此觀門功德無盡

或想徧法界純是毗盧佛等每一尊前無想一身禮更若難入先想十尊習之稍熟

漸漸百尊千尊乃至無盡下准此門習之

**供養**  
每一身各出帝網無盡供具所謂香華燈燭衣服飲食幢幡傘蓋嬰塔雲樓閣

**懺悔**  
每一身盡皆至誠懺悔帝網無盡罪障所謂自從無始

迄至今身所造五逆十惡等罪煩惱所知等障發願每一身各願所謂無邊眾生誓願度無邊煩惱誓願斷無邊佛法誓願學無邊福智誓願普無上菩提誓願成并自心持誦每一身各真言教法諸佛菩薩名號

**謹按**疏云若不習帝網等觀終不能得

無礙佛果今有小根聞此法門却嫌繁亂

由此言之帝網無盡觀法不可缺明矣

善導大師勸修淨土入觀臨睡發願文

淨土真經全集卷五

日課章

三



見淨土指歸  
及蓮師集錄

修淨土者。凡入觀與睡時。應先起立。合掌。一  
心向西。十稱四聖名號畢。即發願言。弟子現  
是生死凡夫。罪業深重。輪迴六道。不能出離。  
今遇善知識。得聞彌陀名號。本願功德。一心  
稱念。願生淨土。願佛哀憐。攝受接引。弟子其  
不識彌陀世尊身相光明。願佛菩薩示現身  
相。及國土莊嚴等事。令我了了得見。說是語

已。一心正念。即便入觀。及睡。不得雜語。不得  
雜想。或於正發願時。見諸瑞相。或於觀中得  
見。或於夢中得見。此法近來大靈驗。精進行  
之。方信不虛。

攷證。蓮池禪師曰。善導大師。古稱阿彌陀  
信。慎勿以暫時無驗。而輕廢墜務。在  
久遠行持。必於淨土功。不唐捐也。

附情想論

楞嚴經曰。一切衆生。實本真淨。因諸愛染。發起

淨土實錄全集卷五  
長情積不休。能生愛水。是故衆生心憶珍羞。口中出水。心憶前人。目中淚盈。貪求財寶。心發愛涎。舉體光潤。心著行姪。男女二根。自然流液。諸愛雖別。流結自同。潤濕不升。自然墜下。衆生因諸渴仰。發明虛想。想積不休。能生勝氣。是故衆生心持禁戒。舉身輕清。心持呪印。顧盼雄毅。心欲生天。夢想飛舉。心存佛國。聖境冥現。事善知識。自輕身命。諸想雖別。輕舉是同。飛動不流。

自然超越阿難。純想即飛。必生天上。若飛心中。無福兼慧。及與淨願。自然心開。見十方佛。一切淨土。隨願往生。情少想多。輕舉非遠。即為飛僮。大力鬼王。飛行夜叉。地行羅刹。遊於四天。所去無礙。其中若有善願。護持我法。是等親往。如未座下。情想均等。不飛不墜。生於人間。情多想少。流入橫生。重為毛羣。輕為羽族。七情三想。流下水輪。生於火際。身為餓鬼。常被焚燒。水能害已。



無食無飲。經百千劫。九情一想。下同火輪。輕生有間。重生無間。二種地獄。純情。即流入阿鼻獄。龍舒淨土文曰。喜怒好惡嗜欲。皆情也。養情為惡。縱情為賊。節情為善。滅情為聖。甘其飲食。美其衣服。大其居處。若此之類。謂之養情。飲食若流。衣服畫飾。居處無厭。若此之類。謂之縱情。犯之不校。觸之不怒。傷之不怨。是為折情。犯之觸之。傷之如空。反生憐憫。愚癡之

心是為滅情。

還謹按淨土文。今世之人。皆養情縱情者也。雖遊心淨土。亦無益矣。而況不知有淨土也。噫。安得滅情折情者。而共語觀想之法也哉。

淨土資糧全集卷五  
目錄  
十一

○六齋日加課法兼十齋日

朔日晨起焚香法見袁氏功課錄

持香長跪一心觀此香烟變為珍珠

瓔珞香臺寶樓天衣妙樂異果華雲

種種供具供養十方三寶觀畢挿香

佛前拜伏念云願此香華雲以為光

明臺供養佛菩薩普及于一切

禮三寶禮拜隨願

稽首圓滿徧知覺寂靜平等本真源相好嚴  
特非有無慧光普照微塵刹一心敬禮十方



三世。盡虛空。徧法界。微塵刹土中。一切常住。  
佛寶。兩足尊。此界他方。人間天上。法報真身。  
舍利形像。一一塔廟。

稽首湛然真妙法。甚深十二修多羅。非文非  
字。非言宣。一音隨類皆明了。一心敬禮十方  
三世。盡虛空。徧法界。微塵刹土中。一切常住  
法寶。離欲尊。天上人間。龍宮海藏。十二部經。  
一切聖典。

稽首清淨諸賢聖。十方和合應真僧。執持禁  
戒。無有違。振錫携瓶。利含識。一心敬禮十方  
三世。盡虛空。徧法界。微塵刹土中。一切常住  
僧寶。象中尊。寶刹淨土。巖阿石室。諸大菩薩。  
緣覺聲聞。一切賢聖。

攷證三寶

元直指曰。三寶有三種。一曰。同體三寶。謂真如之理。自性開

覺。名佛寶。德用軌則。自性正直。名法寶。動無  
違諍。自性清淨。名僧寶。一曰。出世三寶。謂  
法報化身。隨類應現。是為佛寶。六度銓旨。  
四諦緣生。名為法寶。十聖三賢。五果四向。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

名為僧寶。三曰世間住持三寶。謂泥龕塑像。名為佛寶。黃卷赤軸。名為法寶。削髮染衣。名為僧寶。皈依者。罪滅河沙。瞻仰者。福增無量。若不敬世間三寶。即同體出世。三寶何所禮。佛禮佛時。雖不得能拜之身。及得一塵中有一切佛。一佛前有我身。兩語云。一拜永除千劫罪。乃真實不虛。兩足尊。佛以福慧兼脩。兩足尊。謂福慧兩足也。福慧詳見第一卷。性生勝果。篇考證。舍利成道記云。碎金剛之勝身。為舍利。利流布人間。令瞻奉。供養。發心生善。

十二部經。大乘九部。無譬喻。因緣。議論。小乘九部。無方廣。受記。無問自說。

梵字句為名。修多羅。祇夜。和伽羅那。優陀那。尼波陀那。伊帝自多伽。闍多伽。毗佛畧。阿浮陀達摩。優菩提舍。語。淨土文畧加刪削。

從事立稱。譬喻。本生。本方廣。未曾有。

名從所表。

焚香三拜祝云。淨土文畧加刪削。

弟子某謹為一切衆生然香敬禮。盡虛空界。





上自諸天。天帝天人。日月星辰。南斗北斗。司  
中司命。風師雨師。一切主造化靈神。下自地  
祇。大嶽溟海。羣山衆水。一切主造化靈神。中  
及人間。一切掌禍福靈神。普同敬禮。乞成就  
一切善願。以濟度無量無邊衆生。先願其見  
今處世。無一切疾病災難等事。道心堅固。終  
始不渝。佛法精進。身心彌篤。臨命終時。一月  
豫知其期。化佛菩薩來迎。西方境界。盡現空

中。遲遲而久。衆人皆見。其即如入禪定。安然  
化去。遂見阿彌陀佛。證無生法忍。了六神通  
不出此間一歲。即來此間教化衆生。漸漸變  
此南閻浮提。盡娑婆世界。以至十方無量世  
界。皆為清淨極樂世界。三拜

又焚香三拜祝云

弟子其感謝天地覆載。日月星辰照臨。造化  
生成。神靈衛祐。父母產育。君臣護庇。師尊教

誨恩地提挈。及衣食來處。及受用處。及使令  
處。一切有恩力於已者。普同敬禮。又為此等  
衆生謝覆載。照臨生成。衛護之恩。其謹為此  
等衆生。念南無釋迦牟尼佛一百八遍。以種  
無上善根。念南無阿彌陀佛一百八遍。以結  
無上善緣。願此等衆生。修持佛法。脫離苦海。  
即變此南閻浮提為極樂世界。禮拜

又焚香三拜祝云

弟子某。謹為平生所食之肉之衆生。所衣綿  
帛之蚕。念誦南無西方極樂世界三十六萬  
億。云阿彌陀佛一百八遍。仰唯如來大慈  
大悲。特展神威。一如此衆生。自捨身命與  
者。乞為念誦。資薦其身。定拔濟生於極樂世  
界。俟。其生極樂世界。見佛聞法。證六神通。來  
此南閻浮提化度衆生之時。此等衆生。皆隨  
逐而來。共化衆生。同升佛道。禮拜



右禮三寶。三祝願。於六齋十齋日內。隨人志願行持。

初一日十五日齋佛。至夜蒙山施食。此為

在家修行者而言。若出家者。每夜行持。不必言矣。

十五日三十日持誦梵網經。此二日誦戒經古制也。若

未受菩薩戒者。不必誦。禮誦迴向十業文。在第四卷各條下。

餘有七日隨人志願持誦大乘經典。

如華嚴經法華經心經金

剛經楞嚴楞加圓覺等經或持往生真言。多寡隨願  
右各加於行持本課之外。



淨土寶糧全集卷之五 終

海土製精名集卷五

田諱章


三五

--	--	--	--	--	--	--	--	--	--

欽定四庫全書

欽定四庫全書  
欽定四庫全書  
欽定四庫全書  
欽定四庫全書  
欽定四庫全書





夕  
廿四